

Jierdei Nijkleaster 28 oktober 2018

Ynlieding foarsitter

Ferline jier ha wy hir it Bidboek presintearre, we ha de film fertoand en we bin mei syn allen nei it Westerhûs ta rûn. Dat wie foar in tal minsken wol in hiele konfrontaasje. Sa fan: "jim doare wol wat oan. Dit moat fier wei komme". Dyselde reaksje krije we ek wannear't we de film fertoane. Mar foar ús is it in geweldich plak. Der moat in protte barre, mar dat jout ek alle mooglikheden om ús winsken te realisearjen.

Op mêd fan de romtlike oardering moat noch wol it ien en oar regele wurde. De gemeenteried fan Littenseradiel hie al grein ljocht jûn, mar om fierder te kennen moast ek de provinsje noch tastimming jaan. Dat wie lestich foaral fanwege de greidfügeldoelstelling fan it omlizzende lân, mar dat is gelokkich ek slagge. De gemeente Ljouwert kin no foarút en it leit yn de bedoeling dat it foar-ûntwerp bestemmingsplan heal novimber op besjen komt te lizzen.

It BIDboek wie foar ús ek de start fan de kampagne om it jild byinoar te krijen. Der is in hiel soad tariedend wurk dien, der bin brieven skreaun, der hat oerlis west mei oerheden en ynstânsjes, we ha praat mei tsjerkeriden en ynliedingen hâlden op gemeentejûnen. En dat hat fertuten dien. Fan de € 4,7 miljoen dy't wy nedich hawwe, kin we op dit stuit rekenje op €3,2 miljoen en dat is 2/3 fan it totaal. Fan de 1,5 miljoen dy't noch ûntbrekt sille we noch ferskate aksjes fiere en dêrmei hoopje we € 600.000 binne te helejen. Foar it dan noch ûntbrekkende diel dogge wy berop op de tsjerken yn Fryslân om ús te helpen mei in skinking of in liening. By in liening tinke wy oan in bedrach fan op syn minst € 100.000, rinteleas en ôflossingsfrij. Dat in grut bedrach is, mar wy doare dat te freegjen omdat út ûndersyk fan de Protestantse Theologische Faculteit blykt dat der in protte jild op de banken fan de plaatselijke Protestantse tsjerken leit te wachtsjen sa't de ûndersiker seit (€ 151,7 miljoen foar de 3 noardelike provinsjes, sifers fan 2011). En dan giet it allinnich om it jild dat op bankrekkeningen stiet, net om lân of belizzingen. Mooglik wurdt oer dat jild op dit stuit boeterinte betelle. Der moat wol in kantekening by: it is hiel ûngelyk ferparte. Der bin rike gemeenten en gemeenten dy't muoite ha om rûn te kommen.

Wy roppe lokale tsjerken op mei te helpen nije inisjatieven stâl te jaan. Lit ús mei "dea" jild in libbene tsjerke bouwe. Tiden feroarje, minsken feroarje en tsjerken feroarje ek. At it sa trochriet dan hâlde wy straks hir in tal gemeenten oer dy't noch wol jild ha, mar gjin minsken. Sa fier moatte wy it dochs net komme litte!

Takom jier april moatte wy beslute oft it trochgean kin. De eigener fan de pleats wol dan witte wêrt er oan ta is. It is ek goed om in datum te stellen, mar it wurdt noch wol hiel spannend.

Ik fyn it foar mysels beskamsum dat it jild sa de boppetoan fier, mar we kin der no ien kear net súnder. Mar gelokkich is der folle mear en dêr giet it om: de gasten, dy't oeral wei komme, de gemeenten Westerwert en Mantgum dy't ús mei folle oertsjoeging stypje, de kleasterlingen dy't harren mei ynmoed tariede op in plak yn it kleaster en alle oare

frijwilligers. Wy ha aan de Classis frege om ús mei in brief aan de tsjerken te stypjen en we ha dat fersyk ek aan de landelijke tsjerke dien.

Fan de landelijke tsjerke kriegen we krekt fan'e wike it folgjende berjocht en dêr wol ik dan ek mei ôfslute:

"Nijkeaster betekent veel voor de Protestantse Kerk. Allereerst voor de vele mensen uit Fryslân, en van verder weg. Zij vinden er een plek om hun geloof te voeden. Daarnaast omdat heel wat pioniersplekken zich door Nijkeaster laten inspireren: Nijkeaster vervult een rol als aanjager van meer kerkelijke vernieuwing. En tenslotte omdat Nijkeaster via de media een bijzondere rol vervult bij het zichtbaar maken hoe het christelijk geloof op nieuwe wijze vorm kan krijgen binnen de Protestantse Kerk.

Nu ontstaat ook een nieuw perspectief: zou Nijkeaster gemeenten in de Classis Fryslân bij het voortbestaan kunnen inspireren? Kunnen zo nieuwe perspectieven voor de toekomst ontstaan op plekken waar dat eerder nauwelijks denkbaar was? Nijkeaster staat op een cruciaal punt. Om duurzaam de toekomst in te kunnen gaan, is verbreding van het draagvlak en de betrokkenheid bij Nijkeaster nodig. Het Westerhûs is hiervoor onmisbaar. De inzet is en blijft dat Nijkeaster tot in lengte van jaren voor velen een plek van ontmoeting en inspiratie zal zijn. Het is daarom dat we u van harte aanbevelen om Nijkeaster te steunen bij de stap die ze nu willen zetten."

Henk Kroes